



ԱՐՇԱԼՈՒՅՍ ՄԱՐԳԱՐՅԱՆ

Ք Ա Ր Ե Պ Ա Տ Ա Ր Ա Գ

Ծիծեռնակաբերդ, մատյան դու քարե,
Դու մի ակնթարթ հավիտենացած,
Անյունասափոր դու սև մարմարե,
Հայոց Ապրիլի մոխիրով լցված:

Ծիծեռնակաբերդ, դու մի պտղունց հող,
Ծիծեռնակի հին բույն դու կարկատված,
Ինչպե՞ս ես պահում դու գրանիտ քարով
Երկու միլիոնի երկինքը մոռելված:

Եվ տքնում ես դու մուգ գիշերներում
Երբ երկինք նետված տապանագրերի,
Անուններն են որ լույս են փորագրում,
Քար խղճի վրա ժամանակների:

Ծիծեռնակաբերդ, դու թաց կուպերից
Մի կաթիլ արցունք դառնա՞նք ու տաք,
Դու հյուլեաչափ ահավոր կսկիծ,
Դու եղեռնակոծ քարե պատարագ:

Ծիծեռնակաբերդ, դու քարե հրդեհ,
Դու Չվարթնոցի պանք փլուզման
Այդ ինչպե՞ս պիտի նժարդ բռնեն
Որ հառաչանքիդ կշռույթն իմանան:

Ծիծեռնակաբերդ, դու կուպերն իմ թաց,
Դու ամենամեծ վիշտը հայրենի,
Մխացող դու վերք, վերք հավիտյան թաց,
Դու սև ձյուն իջած մեր Մասիսների:

Ծիծեռնակաբերդ, դու մեր օրհասի
Վարածանյան երգ արյունի պես տաք,
Խենթացող ձայնը մեր Կոմիտասի,
Հավիտենասուղ քարե պատարագ,
Յավի պատարագ, Հայոց պատարագ
Հավերժության լուրթ կամարների տակ...

Երևան, ապրիլ 24, 1968